

儒

林

傳

稿

胡渭傳 顧祖禹

胡渭初名渭生字肫明德清人曾祖友信明隆慶戊辰
進士父公角天啟甲子舉人渭年十二而孤母沈攜之
避亂山谷間十五爲縣學生入太學篤志經義尤精地
輿之學嘗館大學士馮溥邸尙書徐乾學奉詔修一統
志開局洞庭山延常熟黃儀顧祖禹山陽閻若璩及渭
分纂浙江通志渭著禹貢錐指二十卷圖四十七篇
謂漢唐二孔氏宋蔡氏於地理多疎舛如三江當主鄭
康成說禹貢達於河河當從說文作荷榮波旣豬當從
鄭康成作播梁州黑水與導川之黑水不可溷爲一乃

博稽載籍古今經解考其同異而折衷之山川形勢郡

國分合同異道里遠近夷險潛學堂文集一一討論詳明宋

以來傅寅程大昌毛晃而下注禹貢者數十家精核典

贍此為之冠四庫提要又漢唐以來河道遷徙為民生國計

所繫故於導河一章備考決溢改流之跡留心經濟異

於迂儒不通時務潛學堂文集間有干慮一失則不屑闕疑之

過提要又撰易圖明辨十卷專為辨定圖書而作初陳搏

推闡易理衍為諸圖其圖本準易而生故以卦爻反覆

研求無不符合傳者務神其說遂歸其圖於伏羲謂易

反由圖而作又因繫辭河圖洛書之文取大衍算數作

五十五點之圖以當河圖取乾鑿度太乙行九宮法造
四十五點之圖以當洛書其陰陽奇偶亦一一與易相
應傳者益神其說又真以爲龍馬神龜之所負謂伏羲
由此而有先天之圖實則唐以前書絕無一字符驗而
突出於北宋之初由邵子以及朱子亦但取其數之巧
合而未暇究其太古以來從誰授受故易學啟蒙易本
義前九圖皆沿其說同時袁樞薛季宣皆有異論然宋
史儒林傳易學啟蒙朱子本屬蔡元定創彙非朱子自
撰晦庵大全集載答劉君房書曰啟蒙本欲學者且就
大傳所言卦畫著數推尋不須過爲浮說而自今觀之

如河圖洛書亦不免尙有剩語至於本義卷首九圖爲
門人所依附朱子當日未嘗堅主其說元陳應潤作爻
變義蘊始指諸圖爲道家假借吳澄歸有光諸人亦相
繼排擊

國朝毛奇齡黃宗羲爭之无力然皆各據所見抵其罅
隙尙未能窮溯本末一一拱所自來渭則於河圖洛書
五行九宮參同先天太極龍圖易數鉤隱圖啟蒙圖醫
先天後天卦變象數流弊皆引據舊文互相參證以并
依託之口使學者知圖書之說雖言之有故執之成理
乃修煉術數二家旁分易學之支流非作易之根抵視

禹貢雖指尤爲有功經學

提

文撰洪範正論五卷謂漢

人專取災祥推衍五行穿鑿附會事同讖緯

提

亂錢倫

攸教之經其害一

涪學堂文集

洛書本文具在洪範

涪學堂文集

非祖文宋儒創爲黑白之點方圓之體九十之位變書

爲圖以至九數十數劉牧蔡季通紛紜更定

涪學堂文集

洪範原無錯簡王柏胡一中等任意改竄

涪學堂文集

謂三

又撰大學翼真七卷大目以朱子爲主

僅謂格致一章不必補傳力闢王學改本之誤所見切

實視泛爲性命理氣之談者勝之遠矣涪經術湛深學

有根柢故所論一軌於正漢儒傳會之談宋儒變亂之

論靖而除焉康熙四十二年

聖祖仁皇帝南巡涓以禹貢錐指獻

行在蒙

御覽嘉獎

御書者年篤學四大字

賜之儒者咸以為榮甲午歲卒年八十有二

潛學堂集

涓子

彥昇進士刑部主事改山東定陶縣知縣著春秋說四

書近是叢書要錄於樂律尤有心得著樂律表徵八卷

四庫提要

涓同郡葉佩荪亦治古易不言圖書著易守

四十卷於易中三聖人所未言者不加一字故曰守

知足

齋顯祖禹字易范著方輿紀要一百二十卷據正史考

訂地理於山川形勢險易古今用兵戰守攻取成敗得

失之迹皆有折衷雖荒僻幽仄之地一一如目見魏叔子集

欽定通鑑覽要於地理注中多加采錄焉見通鑑覽要

惠周惕傳士奇棟江聲等

惠周惕字元龍原名恕長洲人父有聲以九經教授鄉

里與徐枋善長洲志周惕少從枋遊江南通志又曾受業於汪

琬別裁小傳康熙十八年舉博學鴻詞科丁憂不與試

三十年成進士授翰林庶吉士詩說提要己未詞科錄改密雲縣

知縣詞科錄卒於官鄭方坤詩鈔小傳周惕遂於經學國朝詩別裁集注

爲文章有渠度名譽隆於時湯潛庵遺稿著有易傳春秋三

禮問及視溪詩文集蘇州府志其詩說三卷大旨謂大小雅

以音別不以政別謂正雅變雅美刺錯陳不必分六月

以上爲正六月以下爲變文王以下爲正民勞以下爲

變謂二南二十六篇皆疑爲房中之樂不必泥其所指

何人謂周召之分鄭箋誤以爲文王爲天子諸侯均得

有頌魯頌非僭其言並有依據提

本朝談漢儒之學者以東吳惠氏爲首已未詞科錄惠氏三

世以經學著周惕其叔始者也提周惕子士奇士奇字

天牧稽學堂文集康熙五十年進士改庶吉士授翰林編修

兩充會試同考官

聖祖嘗問廷臣誰工作賦內閣學士蔣廷錫以玉珥齡
湯右曾及士奇三人名對五十八年

太皇太后升祔禮成

特命祭告炎帝陵舜陵故事祭告使臣學士以上乃得
開列士奇以編修與洵異數也明年秋主湖南鄉試冬
奉

命提督廣東學政頒條教以通經爲先雍正初復

命留任三年累官右春坊右中允翰林院侍讀學士翰
林院侍講乾隆四年以病告歸卒年七十有一

潛學士
堂東

奇父周暢說經力追漢儒之學士奇承之考證益密

春秋

說提要

撰易說六卷雜釋卦爻專宗漢學以象為主

易說提要

嘗謂易始於伏羲盛於文王大備於孔子而其說猶存於漢不明孔子之易不足與言文王不明文王之易不足與言伏羲舍文王孔子之易而遠問庖羲吾不知之矣漢儒言易孟喜以卦氣京房以適變荀爽以升降鄭康成以爻辰虞翻以納甲其說不同而指歸則一皆不可廢今所傳之易出自費直費氏本古文玉弼盡改俗書又創爲虛象之說而遂舉漢易而空之而古學亡矣易者象也聖人觀象而繫辭君子觀象而玩辭六十四

卦皆實象安得虛哉

潛學堂集

又撰春秋說十五卷以禮爲

綱而緯以春秋之事言必據典論必持平

提要

又撰禮說

十四卷大學記一卷於古音古字皆爲之分別疏通復

援引諸史百家之文考漢志以求周志

提要

士奇幼讀二

十一史於天文樂律二志未盡通曉及官翰林因新法

究推步之原著交食舉隅二卷琴瑟理數考四卷所著

詩有紅豆齋小草詠史樂府及南中諸集子七人棟最

知名

潛學堂集

棟字定宇初爲吳江學生員改歸元和籍

潛學

棟生而凝靜敦樸以孝弟忠信爲坊表

述菴文鈔

自幼篤

志向學家多藏書日夜講誦

潛學堂集

於經史諸子稗官野

乘及七經茲緯之學

述菴文鈔

靡不津逮

潛學堂集

經取注疏史

兼裴張小司馬顏籙章懷之注諸子若莊列荀楊呂覽

淮南古注亦並及焉而小學本爾雅六書本說文餘及

急就章經典釋文漢魏碑碣白玉篇廣韻而下勿論也

述菴文鈔

乾隆十五年

詔舉經明行修之士陝甘總督尹繼善兩江總督黃廷

桂交章論薦有博通經史學有淵源之稱

潛學堂集

會大學

士九卿索所著書未及呈進罷歸

述菴文集

棟於諸經熟治

貫申

東莊遺書

謂漢法詁訓古字古言非經師不能辨作九

經古義二十一卷

九經古義述首

而尤邃於易

潛學堂集

其撰易漢

學乃追考漢儒易學掇拾諸論使學者得窺其門徑凡
孟長卿易二卷虞仲翔易一卷京君明易二卷干寶附
焉又鄭康成易一卷荀慈明易一卷其末一卷則棟發
明漢易之理以辨正河圖洛書先天太極之學其撰易
例二卷乃鎔鑄舊說以發明易之本例隨手題識筆之
於冊以儲作論之材其撰周易述二十三卷以荀爽虞
翻爲主而參以鄭元宋咸干寶諸家之說以上并提要約其
旨爲注演其說爲疏書垂成而疾革遂闕革至未濟十
五卦及序卦雜卦兩傳潛學堂集雖屬未完之書提然漢學
之絕者千有五百餘年至是而粲然復章又因學易而

悟明堂之法撰明堂大道錄八卷禘說二卷謂禘行於

明堂明堂之法本於易潛學堂集古文尙書考二卷辨鄭元

所傳之二十四篇爲孔壁真古文東晉晚出之二十五

篇爲僞潛學堂集又撰後漢書補注二十四卷顧棟高序按

菴文鈔皆作十五卷蓋據門人豈錄之本言之非原本也王士禛精華錄纂訓二十

四卷述菴文鈔九曜齋筆記二卷松崖筆記二卷松崖文鈔

二卷及諸史會最竹南漫錄諸書嘉定少詹事錢大昕

嘗論宋元以來說經之書盈屋充棟高者蔑古訓以誇

心得下者襲人言以爲已有儒林之名徒爲空疎臆拙

之地獨惠氏世守古學而棟所得尤精擬諸漢儒當在

何休服虔之間馬融趙岐輩不能及也

括異集乾隆二十

三年卒年六十其弟子知名者江聲余蕭客江聲字叔

溧元和人生平不肯用俗字尺牘皆依說文因爲六書

說所著有尚書集注音疏十二卷又撰經史子準繩論

語竢質恒星說

平津閣集及本書

嘉慶元年舉孝廉方正

賜六品頂帶余蕭客字仲林長洲人

鈞沈提要撰古經解鈞

沈三十卷唐以前舊說自諸家經解所引旁及史傳類

書片語單詞悉著其目自宋以來訓詁之傳日就散亡

沿及明人說經者遂憑臆談我

朝儒術昌明著述之家爭及於古蕭客是書其一也

沈鈞

提蕭客又撰文選紀閩三十卷文選音義八卷

閩若璩傳 李愷等

閩若璩字百詩

四庫全書提要

父字潛邱

杭世駿道古堂文集已未詞科錄

先世居太原縣西塞村五世祖始居淮安祖世科明萬

曆甲辰進士布政司叅議

錢大昕潛學堂文集

父修齡平生慎檢

持以詩名

魏叔子集

母丁仙竊亦能詩文

已未詞科錄魏叔子集又刻松苓雪

坡詞

若璩幼多病讀書閩記不出聲

道古堂文集 年十五補

學生員學究經史深造自得嘗集陶宏景皇甫謐語題

其柱云一物不知以爲深恥遭人而問少有寧日其立

志如此

潛學堂集顧棟高萬卷樓雜記

海內名流過淮必主其家

已未詞科

錄年二十讀尚書至古文二十五篇卽疑其僞沉潛三

十餘年乃盡得其癥結所在作古文尚書疏證八卷

萬卷

樓雜記潘 單堂文集引經據古一一陳其矛盾之故古文之僞大

明所列一百二十八條毛奇齡尚書古文冤詞百計相

軋終不能以強辭奪正理則有據之言先立於不可敗

也四其疏證之最精者謂漢藝文志言魯共王壞

孔子宅得古文尚書孔安國以考二十九篇得多十六

篇楚元王傳亦云逸書十六篇天漢之後孔安國獻之

古文篇數之見於西漢者如此而梅賾所上乃增多二

十五篇此篇數之不合也杜林馬鄭皆傳古文者據鄭

氏說則增多者舜典汨作九共大禹謨益稷五子之歌
嗣征典寶湯誥咸有一德伊訓肆命原命武成旅獒罔
命凡十六篇而九共有九篇故亦稱二十四篇今晚出
書無汨作九共典寶等此篇名之不合也鄭康成注書
序於仲虺之誥太甲說命微子之命蔡仲之命周官君
陳畢命君牙皆注曰亡而於汨作九共典寶肆命等皆
注曰逸逸者卽孔壁書也康成雖云受書於張恭祖然
其書贊曰我先師棘下生子安國亦好此學則其淵源
於安國明矣今晚出書與鄭名目互異其果安國之舊
耶又云古文傳自孔氏後惟鄭康成所注者得其真今

文傳自伏生後惟蔡邕石經所勒者得其正今晚出書
味各鄭作柳谷心腹腎腸鄭作憂腎陽剝則剝鄭作
臚宮剝割頭庶剝與真古文既不同矣石經殘碑遺字
見於洪适隸釋者五百四十七字以今孔書校之不同
者甚多碑云高宗之饗國百年與今書之五十有九年
異孔敘三宗以年多少爲先後碑則以傳序爲次則與
今文又不同然後知晚出之書蓋不古不今非伏非孔
而欲別爲一家之學者也班孟堅言司馬遷從安國問
故故堯典禹貢洪範微子金縢諸篇多古文說許慎說
文解字亦云其稱書孔氏今以史記說文與晚出書相

校又甚不合安國注論語予小子履以爲墨子引湯誓其辭若此不云此出湯誥亦不云與湯誥小異然則予小子履云云非真古文湯誥蓋斷斷也其注雖有周親不如仁人句於論語則云親而不賢不忠則誅之管蔡是也仁人謂箕子微子來則用之於尚書則云周至也言紂至親雖多不如周家之多仁人其詮釋相懸絕如此此豈一人之手筆乎又云古未有夷族之刑卽苗民之虐亦祇肉刑止爾有之自秦文公始僞作古文者偶見荀子有亂世以族論罪以世舉賢之語遂竄之秦誓篇中無論紂惡不如是甚而輕加三代以上以慘酷不

德之刑何其不仁也武成篇先書一月壬辰次癸巳又次戊午己是月之二十八日復繼以癸亥甲子是爲二月之四日五日而不冠以二月非今文書法也洛誥稱乙卯贊誓兩稱甲戌此周公伯禽口中之詞指此日有此事云爾豈史家紀事之例乎又云書序益稷本名棄稷馬鄭王三家本皆然蓋別是一篇中多載后稷與契之言揚子雲法言孝至篇云言合稷契之謂忠謨合臯陶之謂嘉子雲親見古文故有此言晚出書析臯陶謨之半爲益稷則稷與契初無一言子雲豈鑿空者邪潛集若璩又以朱子以來已疑孔傳之依託遞有論辨仍

作疏證其事高明

辨要尚書正義下

復爲朱子尚書古文疑以

申其說

道古堂文集

康熙元年始遊京師旋改歸太原故籍

崑山顧炎武游太原以所撰日知錄相質卽爲改定數

條炎武虚心從之

潛學堂文集

未幾出遊澤昌

道古堂文集

十七

年應博學鴻詞科試不第在都門與編修汪琬交琬著

五服考異成若璩糾其謬數條琬意不懌謂人曰百詩

有親在而喋喋言喪禮可乎若璩應之曰王伯厚嘗云

夏侯勝善說禮服謂禮之喪服也蕭望之以禮服授皇

太子則漢世不以喪服爲諱也唐之姦臣以凶事非臣

子所宜言去國恤一篇識者非之講經之家豈可拾其

餘唾乎尙書徐乾學因問於經亦有微乎曰按雜記曾
申問於曾子曰哭父母有常聲乎申曾子次子也檀弓
子張死曾子有母之喪齊衰而往哭之孔子歿子張尙
存見於孟子子張死而曾子方喪母則孔子時曾子母
在可知記所載曾子問一篇正其親在時也乾學嘆服
及乾學奉

勅修一統志開局洞庭山旣又移嘉善復歸崑山若璩

皆預其事潛學堂文集局中人嘗手輯其緒綸一編曰閻氏

碎金既葵生茶餘客語若璩於地理尤精審凡山川形勢州郡

沿革瞭若指掌潛學堂文集撰四書釋地一卷續編及於人

名物類訓詁典制又解釋經義諸條共爲五卷事必求

其根柢言必求其依據旁參互證多所貫通提又據孟

子七篇參以史記諸書作孟子生卒年月考一卷提要

堂文又著孔廟從祀末議十一事一日孔廟祀典宜復

八佾十二邇豆於太學二日十哲而外宜進有若公西

華兩賢於廟廷廣爲十二哲三日秦冉顏何宜從祀縣

真宜補入四日公明儀宜從祀樂正克宜進於兩廡五

日曾申申詳均宜從祀六日河間獻王劉德宜入從祀

七日諸葛孔明宜入從祀八日范仲淹宜入從祀九日

蔡元定宜進於兩廡十日黃幹請援蔡沉之例以進十

一曰兩廡先賢先儒位次多凌亂宜請釐正

孔廟從書祀未議

成於康熙四十年以前

外紀阮學浩髮削

至乾隆十二年檢討

山陽阮學浩始上其議部議未允

吳玉指山陽志遺

而大學士

朱軾編次歷代名儒於河間獻王會取若璩言爲斷康

熙五十四年增祀范仲淹於西廡雍正二年復祀秦冉

於東廡顏何於西廡增祀諸葛亮於東廡縣置樂正克

黃幹於西廡乾隆二年以有子升配東序若璩私議已

上見於

列聖施行矣

阮學浩奏摺

又著潛邱劄記六卷

提要又撰毛朱

詩說一卷

提要年校困學紀聞

山陽志遺

二十卷因浚儀之舊

而駁正箋釋推廣之

道古堂文集

許定古文百篇

越執信所撰墓誌銘

其師山陽史一清所手授續加闡發

山陽志遺

又有日知錄

補正喪服翼註宋劉攽李燾馬端臨王應麟四家逸事

茶餘客語博湖掌錄

王上正

諸書詩有卷西堂諸集

道古堂文集

若璩學極博論極核間有出新意掃沿說者究其持辨

本末悉有所據

李光地榕城全集

世宗憲皇帝在潛邸聞其名手書延至京師據手賜坐

呼先生不名日索觀所著書每進一篇未嘗不稱善疾

革請移就外留之不可乃以大牀爲輿上施青紗帳二

十人舁之出安穩如牀簟不覺其行也卒年六卜有九

時康熙四十三年六月八日

世宗遣使經紀其喪親製輓詩四章復爲文祭之有云
讀書等身一字無假孔思周情旨深言大僉謂非若璩
不能當也子詠官中書舍人亦能文

聖製詩文集又道古堂文集

又潘學堂文集山西通志

山陽學者有李鎧楊開沅吳玉摺鎧字公

凱進士知縣薦博學宏詞科康熙十八年授翰林編修
修明史官至內閣學士所著有讀書雜述史斷玉士稟
稱其爲有本之學

王士禛撰傳已未詞科錄

開沅字用九康熙四十

二年進士翰林院編修學於黃宗羲尤明於河漕之利

害

劉信嘉周翰官狀傳

王摺字山夫官鳳陽府訓導著山陽志道

金石存說文引經考六書述部敘考又著別雅五卷辨
六書之假借深爲有功非俗儒剽竊所能彷彿也

四庫提要

毛奇齡傳

陸邦烈

毛奇齡字大可又字初晴蕭山人康熙十八年以廩監

生

召試博學鴻詞科授翰林院檢討

四庫書提要
詞林典故

充明史

纂修官以葬親假歸得痺疾遂不復山

蕭山志

奇齡少穎

悟明季避兵其縣之南山築土室讀書其中

盛唐西河
先生傳

已著毛詩續傳三十八卷既以避讐流寓江淮間失其

藁乃就所記憶著國風省篇詩札毛詩寫官記復在江

西來鐵道施閩章處與湖廣楊洪才說詩作白鷺洲主

客說詩一卷明嘉靖中鄞人豐坊偽造子貢詩傳申培

詩說行世奇慚作詩傳詩說駁議五卷引證諸書多所

糾正四庫書提要盛傳西河經集凡例暨在史館著古今通韻十二卷

進

呈

聖祖仁皇帝善之

詔付史館盛傳李天發西河集序歸田後傲居杭州著仲氏易一

日著一卦凡六十四日而書成託於其兄錫齡之緒言

故曰仲氏又著推易始末四卷春秋占筮書三卷易小

帖五卷易韻四卷河圖洛書原舛篇一卷太極圖說遺
議一卷其言易發明荀虞干侯諸家旁通卦卦變卦綜
之法是後儒者多研究漢學未敢以空言說經實自奇
齡始而辨正圖書排擊異學尤有功於經義提先是奇
齡官翰林時康熙乙丑會試為同考官分閱春秋房卷
心非胡傳之偏有意撰述船至是乃就經文起義者春
秋左氏傳三十六卷春秋簡書刊誤二卷春秋屬辭比
事記四卷條例明晰考據亦多精核提又欲全著禮經
以衰病不能乃次第著昏喪祭禮宗法廟制及郊社禘
禘明堂學校諸問答多發先儒所未及盛傳至於論

語大學中庸孟子亦多所考證而大學證又及孝經問

皆援據古本力闢後儒改經之非持論甚正提奇齡之

學淹貫羣書提所自負者在經學數稱東漢人行誼謂

足見人真性情紹興府志惟好爲駁辨以求勝凡他人所已

言者必力反其詞如古文尙書自宋吳棫後多疑其僞

及閻若璩作古文尙書疏證奇齡則力辨以爲眞遂作

古文尙書冤詞又刪舊所作尙書廣聽錄爲五卷以求

勝於若璩而周禮儀禮奇齡則又以爲戰國之書至所

作經問其中所排斥者如錢丙蔡氏之類多隱其名而

捐名攻駁者惟顧炎武閻若璩胡渭三人以三人皆博

學重望足以攻擊而餘子則不足齒錄其傲睨如此

提

故不得爲醇儒

沈德潛別裁集小傳

奇齡素曉音律其家有明寧

邸所傳唐樂笛色譜在史館時據以作竟山樂錄四卷及在籍聞

聖祖仁皇帝論樂諭羣臣以徑一圓三隔八相生之法因推闡考證撰

聖諭樂本解說二卷

皇言定聲錄八卷康熙三十八年

聖祖南巡奇齡迎

駕於嘉興乃以樂本解說二卷進

呈蒙

諭獎勞

聖祖三巡至浙奇齡復謁

行在

賜御書一幅是時奇齡已歸蕭山故居越數年卒於家

年九十有四無子以兄子遠宗嗣

盛傳蕭山志

遺命勿輯文

集沒後其門人蔣樞編輯分經集文集二部經集自仲

氏易以下凡五十種文集合詩賦序記及他雜著凡二

百三十四卷 四庫全書收奇齡所著書目多至四十

餘部奇齡弟子陸邦烈盛唐王錫章大來邵廷采等著

錄者甚眾李埭最知名廷采埭自有傳

見本傳及四庫書提要

那

烈字又超平湖人嘗取奇齡經說所載諸論裒爲聖門
釋非錄五卷謂聖門口語未可盡非也四庫提要

應搗謙傳

應搗謙字嗣寅又字潛齋錢塘人明諸生

己未詞科錄四庫提要

性至孝

池北偶談

殫心理學以躬行實踐爲主

浙江通志

不好禪

不喜陸王家言足跡不出百里

池北偶談

隘屋短垣

馮景鷹傳

貧甚

通志

恬如也

結琦亭集

太子稔宗

孟數式

廬欲有所

贈

嚙嚙未出及

讀搗謙所作無悶先生傳乃不敢言海

寧知縣許西山請主書院造廬者再搗謙辭曰令君道

學但從事於愛人以德足矣

二林居集

康熙十七年

詔徵博學鴻儒大臣項景襄李天馥交章薦之

馮景揚撰傳

謙興床以否有司曰爲謙非敢却薦實病不能行耳

馮琦

客有勸者曰昔太山孫明復嘗因石介等請以成丞

相之賢何果於却薦哉搗謙正色曰我不能以我之不

可學明復之可乃免徵

馮景揚撰傳

康熙二十二年卒六十有

九

結琦亭集馮景揚撰傳

搗謙學窮底蘊通志於易書詩禮樂春秋孝

經四書各有著說又撰性理大中二十八卷教養全書

四十一卷全書分選舉學校治官田賦水利國計漕運

治河訪役鹽法十考畧仿文獻通考而於明代事實尤

詳其不載律算者以徐光啟已有成書不載輿地者以

顧炎武顧祖禹方事纂輯也

四庫提要

門人錢塘凌嘉印沈

士則姚宏任等傳其學

鮑琦亭集

陸世儀傳

沈昉

張履祥

沈國模等

陸世儀字道威太倉人

四庫提要

少曾從龍山講學歸而擊

也十畝築亭其中不通賓客

鮑琦亭集

著思辨錄分小學大

學立志居敬格致誠正修齊治平天道人道諸儒異學

經子史籍十四門世儀之學主於敦守禮法不虛談誠

極之旨主於施行實政不空爲心性之功於近代講學

諸家最爲篤實故其言曰天下無講學之人此世道之

衰天下皆講學之人亦世道之衰嘉隆之間書院遍天

下呼朋引類動輒下人附影逐聲廢時失事甚有借以
行其私者此所謂處士橫議也又曰今所當學者不止
六藝如天文地理河渠兵法之類皆切於用世不可不
講所言皆深切著明足破虛憍之弊四庫提要其於明儒薛
胡陳王皆平心論之又嘗謂學者曰世有大儒決不別
立宗旨故全祖望曰國初儒者孫奇逢黃宗羲李容最
有名而世儀少知者結埼亭集戢山之徒衆矣沈昫張履祥
劉灼皆篤實沈國模等雜於禪矣沈昫字朗思本名蘭
先字甸華仁和人劉宗周講學戢山昫渡江往聽崇禎
甲申年二十七棄諸生投徒自給其學以誠敬爲本力

排佛老清苦自守嘗累日絕糧采階前馬蘭草食之或
饋米昫方宛轉推辭間遂餓仆於地其人惶遁去既而
蘇起笑曰其意可感然適以困我耳戴山卒後弟子傳
其學者互爭辯昫曰道在躬行但滕口說非師所望於
吾曹也以喪禮久廢輯士喪禮說授門人陸寅年六十
三卒無以爲殮應搗謙經紀其喪涕泣不知所出口吾
不敢輕受賻繇以玷先生搗謙門人姚宏任趨前曰如
宏任可以殮先生乎搗謙曰子篤行可也結坊亭集張履祥
字考夫桐鄉人幼孤貧受論孟於其母母召之曰孔孟
祗兩家無父兒也既長從戴山楊園集祝侃撰傳二林居集聞慎獨

之學晚乃專意於程朱立身端直四庫提要一以躬行爲務

著楊園全書三十四卷多儒家言居常躬習農事著補

農書以爲學者舍稼穡別無治生之道能稼穡則無求

於人而廉恥立知稼穡之艱難則不妄取於人而禮讓

興廉恥立禮讓興而世道可復古矣履祥病當世名講

學者騁口辯沽虛譽故於來學之士未嘗受其拜一以

友道處之康熙十三年卒年六十有四楊園集祝侃所撰傳二林居集

劉洵字伯繩山陰人明菽山宗周子也明史劉宗周家

居講學諸弟子聞教未達輒私於洵洵應機開譬且有

條理宗周死明唐魯二王皆遣使祭廕洵官洵辭日敢

因父死爲利旣葬居戢山一小樓二十年杜門絕人事
考訂遺經以竟父業通家故舊亦峻拒之或勸之舉講
會亦不應臨卒戒其子曰若等當常記憶大父遺訓安
貧讀書守人譜以終身足矣人譜者宗周所著書也所
臥之榻假之祁氏病亟彊起易之曰吾豈可終於祁氏
之榻思復堂集鮑鳴鶴沈國模字求如餘姚諸生以明道
爲己任入劉宗周證人社會講歸而闢姚江書院與同
里會宗聖史孝成講良知之學順治十三年卒年八十
二初山陰祁彪佳與國模善彪佳以御史按江東一日
杖殺巨憝數人會國模至欣然以告國模曰亦聞曾子

哀矜勿喜乎彪佳後嘗語人曰吾每慮囚必念求如孝

咸字子虛繼國模主姚江書院醇潔之士多歸之順治

十六年卒年七十八沈史歿書院輟講十年縣人韓孔

當繼之孔當爲國模弟子餘姚學人又有邵會可者師

事孝咸爲學專提致知思復堂集居易齋集紹興府志又有勞史者字

麟書躬耕養親夜則披卷莊誦慨然發憤以道自任舉

動纖悉必依於禮錢唐桑調元餘姚汪鑒皆史門人調

元雍正十年進士工部主事講學暢師說刻餘山遺書

史所著也調元所自著有論語說躬行實踐錄暨有孝

行人呼爲汪孝子

破甫文集四庫提要二林居集

嚴衍傳

備本傳

嚴衍字永思嘉定人明諸生專心古學人

國朝讀資治通鑑探索忘寢食謂司馬光著書意在資治故朝章國政述之獨詳而家乘世譜紀之或畧其於人也顯榮者多而遺逸則畧方正者多而節俠則畧丈夫者多而婦女則畧乃援引正史及他書以補之或補爲正文或補爲分注其補正文之例有二有通鑑所已載而事或闕而不周文或簡而不暢則逐節補之有通鑑所未載而事有關於家國言有係於勸懲則特筆補之其補分注之例有三一曰附錄事雖可采而或涉於

瑣或近於幻故不以入正文。一曰備考通鑑之所載如此他書之所載如彼雖兩不相合而事屬可疑故兩存之一曰補注胡身之注所未備或有譌舛則以己意釋之其所取材則十七史居十之九稗官野史居十之一而要以法戒爲主其有關勸懲雖小史必錄苟無所取義雖正史亦刪要使學者欲考興亡則觀政於朝欲知淳薄則觀風於野欲樹宏猷則法古人之大道欲修細行則拾往哲之餘芳人無隱顯道在者爲師行無平奇濟物者爲尙蓋其自序如此又謂周社雖滅秦命未膺昭襄雖強不當遽以紀年宋梁石晉之惡浮於黃巢周

雖彼善於此然北漢未亡柴氏豈得臣之故於周赧入
秦之後改稱前列國五季迭興之世改稱後列國進蜀
漢於正統熙武氏爲附載此又取紫陽綱目之義以彌
縫本書之闕者也時談允厚爲之參校史傳考正遺漏
允厚爲之序且適通鑑違失若干事皆實事求是不肯
妄下雌黃其所辨正皆確乎不可易宋季元明儒家好
讀綱目如尹起莘劉友益輩皆淺陋迂腐雖附綱目以
傳轉爲本書之累其有功於通鑑者胡三省後僅見行

允厚耳

潛學
堂集

萬斯大傳斯同 斯選等

萬斯大字充宗鄞縣人高祖表明都督同知父泰明崇
禎丙子舉人與陸符齊名詩兼史事寧波文學風氣泰
實閱之入

國朝以經史分授諸子使從黃宗羲遊各名一家

浙江通志

鄞縣志南雷文約齋學堂文集

斯大治經學尤精春秋三禮於春秋則

有專傳論世屬辭比事原情定罪諸議於三禮則有論

郊社論禘論祖宗論明堂泰壇論喪服諸議

浙江通志其辨

正商周改月改時周詩周正及兄弟同昭穆皆極精確

宗法十餘篇亦頗見推衍

四庫三禮質疑提要

答應搗謙書辨治

朝無堂尤為精核

儀禮商提

其學根柢三禮以釋三傳較

宋元以後空談書法者殊然其說經以新見長亦以

見短

學春秋隨筆提要

置其非存其是未始非一家之學

學禮

提要

斯大剛毅有守明臣張煌言父友陳符死斯大皆葬

之

南雷文約浙江通志

所著書有學春秋隨筆十卷學禮質疑二

卷儀禮商三卷

提要

禮記偶箋三卷周官辨非二卷康熙

癸亥年五十一卒

南雷文約

斯同字季野生而異敏讀書過

目不忘年十四五取家藏書徧讀之皆得其大意從黃

宗羲得聞戴山劉氏之學以慎獨爲主以聖賢爲必可

及是時寧波有五經會斯同年最少遇有疑義輒片言

析之東髮未嘗爲時文專意古學博通諸史尤熟於明

代掌故

潛翠堂文集

嘗作明開國以後至唐桂功臣將相內

外諸大臣年表以備采擇

李鼎祚歷代史表序

尚書徐乾學撰讀

禮通考斯同與參定焉

潛翠堂文集

康熙己未薦博學鴻詞

科辭不就

康熙己未會

會

詔修明史大學士徐元文爲總裁欲薦斯同入史局斯同力辭乃延主其家以刊修委之元文罷繼之者大學士張玉書陳廷敬尚書王鴻緒皆延之斯同素以明史自任又病唐以後設局分修之失當日昔遷固才既傑出又承父學故事信而言文其後專家之書才雖不逮猶未至如官修者之雜亂也譬如入人之室始而周其

堂寢區囑繼而知其蓄產禮俗久之其男女少長性質
剛柔輕重賢愚無不習察然後可制其家之事若官修
之史倉卒而成於衆人不暇擇其材之宜與事之習是
猶招市人而與謀室中之事也吾所以辭史局而就館
總裁所者惟恐衆人分操割裂使一代治亂賢姦之迹
暗昧而不明耳又曰史之難言久矣非事信而言文其
傳不顯李翱曾鞏所譏魏晉以後賢姦事迹暗昧而不
明由無遷固之文是也而在今則事之信尤難蓋俗之
偷久矣好惡因心而毀譽隨之一家之事言者二人而
其傳各異矣况數百年之久乎言語可曲附而成事迹

可鑿空而構其傳而播之者未必皆直道之行也其聞
而書之者未必有裁別之識也非論其世知其人而具
見其表裏則吾以爲信而人受其枉者多矣吾少館於
某氏其家有別朝實錄吾讀而詳識之長遊四方就故
家長老求遺書考問往事旁及郡志邑乘雜家誌傳之
文靡不網羅參伍而要以實錄爲指歸蓋實錄者直載
其事與言而無所增飾者也因其世以考其事覈其言
而平心察之則其人之本末十得其八九矣然言之發
或有所由事之端或有所起而其流或有所激則非它
書不能具也凡實錄之難詳者吾以它書證之它書之

誣且濫者吾以所得於實錄者裁之雖不敢謂具可信
而是非之在於人者鮮矣昔人於宋史已病其繁蕪而
吾所述將倍焉非不知簡之爲貴也吾恐後之人務博
而不知所裁故先爲之極使知吾所取者有可損而所
不取者必非其事與言之眞而不可益也建文一朝無
實錄野史因有遜國出亡之說後人多信之斯向直斷
之曰紫禁城無水關無可出之理鬼門亦無其地成祖
實錄稱建文闔宮自焚上望見宮中烟起急遣中使往
救至已不及中使出其屍於火中遺白上所謂中使者
乃成祖之內監也安肯以后屍誣其主而清宮之日中

洞嬪御爲建文所屬意者逐一毒考苟無自焚實據豈肯不行大索之令耶且建文登極二三年削奪親藩曾無寬假以至燕王稱兵犯闕逼道自殞即使出亡亦是勢窮力盡謂之遜國可乎由是建文之書法遂定在都門十餘年士大夫就問無虛日每月兩三會聽講者常數十人於前史體例貫穿精熟指陳得失皆中肯綮劉知幾鄭樵諸人不能及也馬班史皆有表後漢三國以下無之劉知幾謂得之不爲益失之不爲損斯同則曰史之有表所以通紀傳之窮有其人已入紀傳而表之者有未入紀傳而牽連以表之者表立而後紀傳之文

可省故表不可廢讀史而不讀表非深於史者也

潛學堂文

集初修明史時斯同曾羅全史貫申成章史稿之成雖

經數十人手斯同實尸之

茶餘茗話

乾隆初大學士張廷玉

等奉

詔刊定明史以王鴻緒稿爲本而增損之鴻緒稿實出

斯同之手

潛學堂文集

斯同性不樂榮利見人唯以讀書勵

名節相切劘

浙江通志

康熙壬午年六十卒

方也文集

所著歷代

史表六十卷紀元彙考四卷廟制圖考四卷儒林宗派

八卷石經考二卷周正彙考八卷歷代宰輔彙考八卷

宋季忠義錄十六卷六陵遺事一卷庚申君遺事一卷

羣書辨疑十二卷書學彙編二十二卷崑崙河源考二

卷河渠考十二卷石園詩文集二十卷

清靜堂文集

其歷代

史表稽考列朝堂故端緒釐然於史學殊爲有助又創

宦者侯表大事年表二例爲列史所無

提

儒林宗派自

孔子以下漢後唐前傳經之儒及兩宋周程朱陸各派

一一具列自伊洛淵源錄出宋史遂以道學儒林分二

傳漢以後傳先聖之遺經者幾不得列於儒講學者處

相標榜務自尊大明以來談道統者揚己凌人互相排

軋卒釀門戶之禍斯同目擊其弊因著此書除排擠之

私以消朋黨其持論獨爲平允

規

萬泰

八子斯年斯程

斯禎斯昌斯越斯大斯備斯同斯選字公擇學於黃宗
羲嘗謂學者須驗之躬行方爲實學於是切實體認知
意爲心之存主非心之所發理卽在氣中非理先氣後
晚年涵養純粹年六十卒宗羲哭之慟曰甬上從遊能
續我山之傳者惟斯選一人

歙縣志

斯年之子言字貞一

以古文名山副榜貢生預修明史獨成崇禎長編斯大
之子經字九沙少隨諸父講書黃宗羲方移證人書院
於鄞申明戴山之學經侍席末與聞其教

鶴徵後錄

又學於

應搗謙閣若璩康熙四十二年進士官翰林院編修與

修康熙字典工隸書著分隸偶存二卷

通志館研亭集

潘天成傳 顏元

潘天成字錫疇溧陽人寄籍桐城爲安慶府學生幼與

父母避仇相失年十五乞食行求 四庫提要往來徽寧萬山

中走且哭每至一村持蠶大呼作鄉語觀者輒笑至江

西界母金氏自巷中出遂相持哭迎父母歸 四庫提要

竹軒備販以養備極艱苦荆溪湯之綺學師高攀龍以

體認天理爲宗子臣弟友爲教 種竹軒集天成以其間受業

之綺讀書講業又受業於梅文鼎卒爲積學之儒年七

十四竟窮餓以死 提藁葬惠應寺側 種竹軒集遺書鐵廬集

五卷其門人荆溪許重炎傳其學謀葬之且編其集 提

種竹軒集天成學問源出姚江以養心爲體以經世爲用出

自寒門天性真摯人品高潔精神堅苦足以維風俗而

勵人心義理文章莫大乎是瞿源洙作潘孝子傳故身

歿嗣絕而人至今傳之四庫提要祀於忠孝祠種竹軒集顏元字

渾然又字習齋博野人明末其父戍遼東歿於關外元

貧無立錐百計拮据覓其骨歸葬故世以孝子稱之其

學主於屬實行濟實用大抵源出姚江而加以刻苦介

然自成一家著存性存學存治存人四編元生於

國初目擊明季諸儒心學縱恣之失故力矯其弊然其

視性命亦幾恍惚不自知其矯枉過正至謂孟子言性

善卽孔子言性相近習相遠語異而意同會通孔孟未

可謂之立異矣

四庫提要

曹本榮傳

曹本榮字欣木又字厚庵黃岡人

湖北通志

其遠祖撫州人

己未詞科錄
計東文集狀

順治五年舉人六年進士改翰林院庶吉

士布袍蔬食

計東狀

以清節自勵

湖北通志

八年授祕書院編

修應

詔上

聖學疏千言其畧云今

皇上得一帝三王之統則當以二帝三王之學爲學誠

宜開張

聖聽修德勤學舉四書五經及通鑑中有裨身心要務
治平大道者內則深宮燕閒朝夕討論外則經筵進講
敷對周詳

君德旣修祈天永命必基於此有

詔嘉納十年擢右春坊右贊善國子監司業刊白鹿洞
學規以教士十一年轉中允十二年

世祖章皇帝拔詞臣有學人品端方者充日講官本榮
與焉十三年晉秘書院侍講左春坊左庶子兼侍讀日
侍

講幄論辨經義

計東狀

世祖章皇帝訓詁易自魏王弼唐孔穎達有注與正義
宋程頤有傳朱熹本義山學者宗之明永樂間命儒臣
合元以前諸儒之說彙爲大全皆於易理多所發明但
其中同異互存不無繁而可刪華而寡要且迄今幾三
百年儒生學士發揮經義者亦不乏人當加採擇折衷
諸論簡切洞達輯成一編昭示來茲乃勅本榮同傅以
漸撰易經通注九卷銘鑄衆說詞理簡明爲說經之圭
臬

四庫提要

本榮素善病

上遣醫診視

御筆倣巨然畫賜之

上一日讀孟子人知之亦貴賢顧本榮曰自得無欲汝

足當之

湖北通志

本榮又著五大儒詆周張精義王羅擇編

諸書

計東狀湖北志

十四年充順天鄉試主考官九月充

經筵講官旋以失察同考官不法降五級十五年九月

上諭吏部日講曹本榮侍朕講幄日久著有勤勞著復

原職被十八年補翰林院侍講學士轉侍讀學士改國

史院侍讀學士康熙四年以病請回籍遷葬卒於揚州

年四十有四

計東狀

本榮之學從陽明致知之說其論次

五大儒以程朱薛與陸王並行其卒也蘇門孫奇逢吳

惜之病亟時行李蕭然門生計東在側猶欲以窮理盡

性之學

計東狀

子宜溥由廩生薦舉博學鴻詞官翰林院

檢討

已未詞科錄

李塉傳

李塉字剛主蠡縣人又稱恕谷者自名其里也康熙庚

午舉人官通州學正

四庫周易傳注提要

塉與大興王源同師博

野顏元既而從毛奇齡學所著周易傳注七卷筮考一

卷郊社考辨一卷論語傳注二卷大學傳注一卷中庸

傳注一卷傳注問一卷李氏學樂錄二卷大學辨業四

卷聖經學規纂一卷論學二卷小學稽業五卷恕谷後

集十三卷學務以實用爲主解釋經義多與宋儒相反負氣求勝辭氣不和又其自命太高於程朱之講習陸王之證悟皆謂之空談蓋前明自萬厯以後心學盛行儒禪淆雜其曲謹者又濶於事情沿及

國初猶存餘說故顏元及瑛獨力以務實相爭存其說可補諸儒枵腹高談之弊然不可獨以立訓盡廢諸家其論易以觀象爲主兼用互體謂聖教罕育性天乾坤四德必歸人事屯蒙以下亦皆以人事立言陳搏龍圖劉牧鈎隱以及探無極推先天者皆使易道入於無用其說頗淳實不涉支離恍惚之談雖排擊諸儒未免過

激然明人以心學窺入易學率持禪偈以詁經言教者
反置象占於不問齷齪經術弊不勝窮堪引而歸之人
事深得垂教之旨固當分別觀之其於大學所爭在以
格物爲周禮三物謂孔子時古大學教法所謂六德六
行六藝者規矩尙存故格物之學人人所習不必再言
惟以明德親民標其目以誠意指其入手而已格物一
傳可不必補摭於大學間用顏元說奇齡惡其異已作
逸講箋以攻之然當時者多趨摭說焉

四庫書摭所著
各書提要及毛

奇齡逸講
箋提要

梅文鼎傳 王錫闡 談泰

需木專高卷二

三

梅文鼎字定九又字勿庵宣城人年二十七與弟文鼎
文鼎其習臺官交食法著天學駢枝六卷值天學書之
難讀者必求其說以考經史至廢履食疇人弟子皆折
節造訪人有問者亦詳告之無隱期與斯世其明之所
著天算之書八十餘種讀元史授時法經歎其法之善
作元史天經補註二卷又以授時集古法大成然玆法
五端外大率多因古術因參校古術七十餘家著古今
天法通考七十餘卷授時以六術考古今冬至取魯獻
公冬至證統天術之疏然依其本法步算與授時所得
正同作春秋以來冬至考一卷元史西征庚午元術西

征者謂太祖庚辰也庚午元者上元起算之端也天志
訛太祖庚辰爲太宗不知太宗無庚辰也又訛上元爲
庚子則於積年不合也考而正之作庚午元法考一卷
授時非諸古術所能比郭守敬所著法草乃法經立法
之根拈其義之精微者爲郭太史法草補註二卷立成
傳寫魯魚不得其說不敢妄用作大統立成註二卷授
時法於日躔盈縮月離遲疾並以梁積招差立算而九
章諸書無此術從未有能言其故者作平定三差詳說
一卷此發明古法者也唐九執法爲西法之權輿其後
有婆羅門十一曜經及都聿利斯經皆九執之屬在元

則有扎馬魯丁西域萬年法在明則馬沙亦黑馬哈麻
之回回法西域天文書天順時貝琳所刻天文實用卽
本此書作回回法補註三卷西域天文書補註二卷三
十雜星考一卷表景生於日軌之高下日軌又因於里
差而變移作四省表景立成一卷周髀所言里差之法
卽西人之說所自出作周髀算經補註一卷渾蓋之器
最便行測作渾蓋通憲圖說前補一卷西國日月以太
陽行黃道三十度爲一日作西國日月考一卷西術中
有細草猶授時之有通軌也以天指大意隨括而注之
作七政細草補注三卷新法有交食蒙求七政蒙引二

書並逸作交食蒙求訂補二卷交食蒙求附說二卷監
正楊光先不得已日食圖以金環與食甚時分爲二圖
而各具時刻其誤非小作交食作圖法訂誤一卷新法
以黃道求赤道交食細草用儀象志表不如弧三角之
親切作求赤道宿度法一卷謂中西兩家之法求交食
起復方位皆以東西南北爲言然東西南北惟日月行
至午規而又近天頂則四方各正其位矣自非然者則
黃道有斜正之殊而自虧至復經歷時刻展轉遷移弧
度之勢頃刻易向且北極有高下而隨處所見必皆不
同勢難施諸測驗今別立新法不用東西南北之號惟

人所見日月圓體分爲八向以正對天頂處命之曰上
對地平處命之曰下上下聯爲直線作十字橫線命之
曰左曰右此四正向也曰上左上右曰下左下右則四
隅向也乃以定其受蝕之所在則舉目可見作交食管
見一卷太陽之有日差猶月離交食之有加減時因表
說含糊有誤作日差原理一卷火星最爲難算至地谷
而始密解其立法之根作火緯本原圖說一卷訂火緯
表記因及七政作七政前均簡法一卷金水歲輪繞日
其度右移上三星軌迹其度左轉若歲輪則仍右移作
上三星軌迹成繞日圓象一卷天問畧取黃緯不真而

例表從之誤作黃赤距緯圖辨一卷西人謂日月高度
等其表景有長短以證日遠月近其說非是作太陰表
影辨一卷新法帝星句陳經緯刊本互異作帝星句陳
經緯考異一卷測帝星句陳二星爲定夜時之簡法作
暑晷真度一卷以上皆以發明新法算書或正其誤或
補其闕也康熙間明史開局天志爲檢討吳任臣分修
總裁者湯斌繼以徐乾學經嘉興徐善苑平劉獻廷常
州楊文言各有增定是後以屬黃宗羲又以屬文鼎文
鼎摘其訛舛五十餘處以天尊通軌補之作明史志擬
稿三卷雖爲大統而作實以闡明授時之真補元史之

缺畧其總目凡三曰法原曰立成曰推步又作天志贅
言一卷大意言明用大統實卽授時宜於元史闕載之
事詳之以補其未備又回回法承用三百年法宜備書
明鄭世子天學袁黃之天法新書唐順之周述學之會
通回法以庚午元法之例列之皆得附錄其西洋法方
今現行然崇禎朝徐李測驗改憲之功不可沒也亦宜
備載緣起康熙二十八年文鼎至京師見李光地光地
謂曰天法至

本朝大備矣經生家猶若望洋者無快論以發其意也
宜畧倣元趙友欽革象新書體例作爲簡要之書俾人

人得其門戶則從事者多此學庶幾大顯因作天學疑
問三卷四十二年光地屢

駕南巡駐

蹕德州有

旨取文鼎書光地遂以天學疑問呈求

聖誨奉

自朕留心歷算多年此事朕能決其是非將書留覽再
發一日後

召見光地

上云昨所呈書甚細心且講論亦公平此人用力深矣

朕帶回宮中仔細看閱光地因求

皇上親加御筆批駁改定

上肯之明年春

駕復南巡於

行在發回原書中間圈點塗抹及籤貼批語皆

上親筆也光地復請此書疵謬所在

上云無疵謬但算法未備未幾

聖祖西巡問隱淪之士光地以關中李容河南張沐及

文鼎三人對

上亦素知容及文鼎四十四年

南巡狩光地以撫臣扈從

上問宣城處士梅文鼎者今焉在光地以尙在臣嘗對
上曰朕歸時汝與偕來朕將面見四月十九日光地與
文鼎伏迎河干越晨俱

召對御舟中從容垂問至於移時凡三日

上謂光地曰天象算法朕最留心此學今鮮知者如文
鼎真僅見也其人亦雅士惜乎老矣

賜御書扇幅頒賚珍饌臨辭

特賜續學參微四大字越明年又

命其孫穀成

內廷學習五十二年十二月二十三日毀成欽奉

上諭汝祖留心律歷多年可將律呂正義寄一部去令
看或有錯處指出甚好夫古帝王有都俞吁咈四字後
來遂止有都俞卽朋友之間亦不喜人規勸此皆是私
意汝等要須極力克去則學問自然長進可併將此意
寫與汝祖知道

恩遇爲古所未有文鼎所著書柏鄉魏荔彤兼濟堂集
刻者凡二十九種毀成謂編校不善別爲編次更名梅
氏叢書輯要總二十五種六十二卷未刻者今矢傳文
鼎爲學甚勤李光地命于鍾倫弟鼎徵及羣從皆執弟

子之禮宿遷徐用錫晉江陳萬策景州魏廷珍河間王之銳交河王蘭生皆以得與參校爲榮康熙六十年卒年八十有九

上聞特命經紀其喪士論榮之子以燕孫數成以毅成數贈左都御史毅成供奉

內廷官至左都御史蒙

聖祖仁皇帝授以借根方法知與古人立天元一術相同闡揚

聖學有明三百年所不能知者一旦復顯於世故藉其祖算學之後與修明史天志不墜其家聲者增刪算法

統宗十一卷赤水遺珍一卷操縵卮言一卷

以上剛節人傳

人傳本之於

四庫書提要梅氏全書梅氏文集

文龜文

鼎仲弟與兄共著步五星式六卷早卒文龜文鼎季弟

著中西經星同異考一卷王錫闡字寅旭吳江人博覽

羣書守義樹節

遺書序

與張履祥講濂洛之學

潘耒序

兼通

中西天學

四庫提要人傳

錫闡生於明末當徐光啟等修新

法時聚訟盈廷錫闡獨閉戶著書潛心測算遇天色晴

霽輒登屋臥鴟吻間仰觀景象竟夕不寐務求精符天

象不屑屑於門戶之分著曉庵新法六卷

四庫提要鈕琇撰考

古法之誤而存其是擇西說之長而去其短據儀表

改立法數雖私家撰述未見施行而爲術深妙凡在識者莫不慨然稱善年五十五卒梅文鼎曰從來言交食祇有食甚分數未及其邊惟寅旭以日月圓體分三百六十度而論其食甚時所虧之邊凡幾何度今推其法頗精確然則

御製考成所采文鼎以上下左右算交食方向法實本於錫鬮矣康熙以來梅學甚行王學尙微蓋錫鬮無子傳其業者無人又其遺書知之者少持平而論錫鬮精而核文鼎博而大各造其極難可軒輊人皆在辭鳳

祚之上

四庫提要

談泰字階平江寧舉人官南匯縣訓導泰

博覽勤學精於天算得梅氏算學之傳所著考證經史
之書曰觀書雜議二十卷其算術之書有測量周徑正
誤周髀經算四極南北游法增補武成朔閏譜召誥月
日譜歲次月建異同辨春秋歲次考三統術推一歲食
限數交食一月終數推漢高九年六月晦考文十一月
晦考文元年至七年大小餘四分術譜劉宋武帝五年天正
靈帝光和元年大小餘四分術譜劉宋武帝五年天正
冬至又著三統術譜冬至權度紀畧天官書節次斗分
辨分野辨操纒卮言正誤圖壺周徑積實祖沖之補法
辨黼內方非十尺辨喪服傳溢說玉服經帶數等書又

著古算書細草十餘事

江浦談階子
遺書敘錄